



**Broj: 01-152 /18**  
**Vareš, 30.07. 2018. godine**

Na osnovu člana 22. tačka 14. Statuta Općine Vareš (prečišćeni tekst), broj: 01-162/12 od 11.09. 2009.godine, a u vezi sa članom 16. stav 2. Odluke o općinskim priznanjima i postupku njihove dodjele, broj:01-77/12 od 29.03. 2012.godine i Odluke o visini novčane nagrade uz općinsko priznanje Općine Vareš u 2018.godini, broj:01-105/18 od 22.05.2018. godine, na prijedlog Komisije za statutarna pitanja i propise, Općinsko vijeće Vareš na 19. sjednici, održanoj 30.07.2018.godine,  
d o n o s i

**O D L U K U**  
**o dodjeli općinskog priznanja i novčane nagrade**  
**Općine Vareš za 2018. godinu**

**Član 1.**

Ovom odlukom Općinsko vijeće Vareš dodjeljuje općinsko priznanje i novčanu nagradu povodom 16. augusta, Dana općine Vareš.

**Član 2.**

Općinsko priznanje „**Plaketa s grbom Općine Vareš**“, sa novčanom nagradom u iznosu od 1.000 KM za 2018.godinu, dodjeljuje se **UG“Majka Terezija“ Vareš**.

**Član 3.**

Općinsko priznanje i novčana nagrada iz člana 2. ove Odluke uručit će se na Svečanoj sjednici Općinskog vijeća Vareš, povodom obilježavanja Dana općine Vareš.

**Član 4.**

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI**  
**OPĆINSKOG VIJEĆA**

**Adis Čizmo**

Odluka je objavljena na oglasnoj tabli Općine Vareš, dana 31.07.2018. godine.

**OPĆINSKI NAČELNIK**

**Zdravko Marošević**

## Obrazloženje

Na osnovu Javnog poziva za predlaganje kandidata za dodjelu općinskih priznanja u povodu Dana općine Vareš, broj: 01-106/18 od 22.05.2018. godine, predloženo je UG“Majka Terezija“Vareš iz Vareša za općinsko priznanje „Plaketa s grbom Općine Vareš“.

Komisija je u skladu sa članom 5. 11. i 16. Odluke o općinskim priznanjima i postupku njihove dodjele, broj: 01-77/12 od 29.03.2012. godine i Odluke o visini novčane nagrade uz općinsko priznanje Općine Vareš u 2018. godini, broj: 01-105/18 od 22.05.2018. godine donijela jednoglasnu odluku da se „Plaketa s grbom Općine Vareš“ sa novčanom nagradom dodijeli UG“Majka Terezija“Vareš, cijeneći da tokom svog kontinuiranog dvadesetogodišnjeg rada, udruga okuplja na desetine građana Vareša u sektoru vaninstitucionalnog psiho-socijalnog rada i pružanja pomoći građanima koji su u socijalnoj potrebi, pri čemu nepravi razlike građana po bilo kojem osnovu. Svojim radom udruga je pokazala i pokazuje visok novo socijalne osjetljivosti za sve građane Vareša i šire zajednice. Čime značajno doprinosi razvoju zajedničkog življenja i pozitivnoj promociji lokalne zajednice. Presudno za donošenje Odluke je bilo to što UG“Majka Terezija“ Vareš ove godine obilježava 20 godina svog postojanja i rada. Zahvaljujući njihovom kontinuiranom radu i besplatnom volontiranju kroz posjete i brigu za starije,bolesne i nemoćne građane naše Općine ovo udruženje radi tokom cijele godine. Udruženje je prepoznatljivo po svom radu u Ze-do kantonu, Federaciji i van naše zemlje.

Za realizaciju ove Odluke potrebna su finansijska sredstva i ista su planirana u budžetu Općine Vareš za 2018.godinu.

Predlaže se Općinskom vijeću Vareš da ovu Odluku usvoji u predloženom tekstu.

PREDLAGAČ:

**Komisija za statutarna  
pitanja i propise**